



## SAKSPAPIR

| Saksnr  | Utval                  | Type | Dato       |
|---------|------------------------|------|------------|
| 20/2020 | Bygdeutviklingsutvalet | PS   | 29.09.2020 |

| Sakshandsamar   | Arkiv          | ArkivsakID |
|-----------------|----------------|------------|
| Tore Henrik Øye | FE-233, FA-V12 | 20/1102    |

### TILDELING AV BYGDEUTVIKLINGSMIDLAR TIL IVARETAKING OG RESTAURERING AV STØLSVEG TIL YKSENDALSSTØLEN, GBNR 61/1 YKSENDALEN I VAKSDAL KOMMUNE

#### Vedlegg:

Søknad stiprosjekt Yksendalen  
PROSJEKT STØLSVEGEN Vaksdal kommune 2020

#### Rådmannen sitt framlegg til vedtak:

Bygdeutviklingsutvalet i Vaksdal kommune (BU) løyver inntil kr. 150 000,- i tilskot til Stølsvegen Venelag til restaurering av stølsvegen frå Yksendal til Yksendalstølen. Tilskotet utgjer 50 % av søknadsbeløpet og 6 % av budsjetterte kostnadar med tiltaket.

Løyvinga er gjort ut frå «Retningsliner for tilskot til bygdeutvikling», med bakgrunn i lokal kultursoge, friluftsliv/rekreasjon og folkehelse som omsyn, jf. saksutgreiing for nærare grunngjeving.

Tilskotet skal nyttast til å delfinansiere utgifter ved restaurering, i samsvar med søknaden og vedlagt prosjektplan.

Tilskotet vert betalt ut etter innsending av sluttrapport, med rekneskap og dokumenterte kostnadar.

Løyvinga står ved lag i to år frå løyvingsdato.

Det må innhentas eventulle løyve til tiltaket etter aktuelle lovverk.

#### Fellesforslag lagt fram i møte av Ståle Kallestad Hesjedal, Ap.

Bygdeutviklingsutvalet i Vaksdal kommune (BU) løyver inntil kr. 75 000,- i tilskot til Stølsvegen Venelag til restaurering av stølsvegen frå Yksendal til Yksendalstølen. Tilskotet utgjer 25 % av søknadsbeløpet og 3 % av budsjetterte kostnadar med tiltaket.

Løyvinga er gjort ut frå «Retningslinjer for tilskot til bygdeutvikling», med bakgrunn i lokal kultursoge, friluftsliv/rekreasjon og folkehelse som omsyn, jf. saksutgreiing for nærare grunngjeving.

Tilskotet skal nyttast til å delfinansiere utgifter ved restaurering, i samsvar med søknaden og vedlagt prosjektplan.

Tilskotet vert betalt ut etter innsending av sluttrapport, med rekneskap og dokumenterte kostnader.

Løyvinga står ved lag i to år frå løyvingsdato.

Det må innhentas eventuelle løyve til tiltaket etter aktuelle lovverk.

### **Bygdeutviklingsutvalet - Sak 20/2020**

#### **BYG - Behandling:**

Kommunalsjef for samfunnsutvikling Helge Berset informerte om saka.

Utvalet drøfta saka.

#### **Ståle Kallestad Hesjedal, Ap, la fram følgjande fellesforslag:**

Bygdeutviklingsutvalet i Vaksdal kommune (BU) løyver inntil kr. 75 000,- i tilskot til Stølsvegen Venelag til restaurering av stølsvegen frå Yksendal til Yksendalstølen. Tilskotet utgjer 25 % av søknadsbeløpet og 3 % av budsjetterte kostnader med tiltaket.

Løyvinga er gjort ut frå «Retningslinjer for tilskot til bygdeutvikling», med bakgrunn i lokal kultursoge, friluftsliv/rekreasjon og folkehelse som omsyn, jf. saksutgreiing for nærare grunngjeving.

Tilskotet skal nyttast til å delfinansiere utgifter ved restaurering, i samsvar med søknaden og vedlagt prosjektplan.

Tilskotet vert betalt ut etter innsending av sluttrapport, med rekneskap og dokumenterte kostnader.

Løyvinga står ved lag i to år frå løyvingsdato.

Det må innhentas eventuelle løyve til tiltaket etter aktuelle lovverk.

Rådmannen sitt framlegg til vedtak vart sett opp mot fellesforslaget. Fellesforslaget vart samrøystes vedteke.

#### **BYG - Tilråding/Vedtak:**

Bygdeutviklingsutvalet i Vaksdal kommune (BU) løyver inntil kr. 75 000,- i tilskot til Stølsvegen Venelag til restaurering av stølsvegen frå Yksendal til Yksendalstølen. Tilskotet utgjer 25 % av søknadsbeløpet og 3 % av budsjetterte kostnader med tiltaket.

Løyvinga er gjort ut frå «Retningslinjer for tilskot til bygdeutvikling», med bakgrunn i lokal kultursoge, friluftsliv/rekreasjon og folkehelse som omsyn, jf. saksutgreiing for nærare

grunngeving.

Tilskotet skal nyttast til å delfinansiere utgifter ved restaurering, i samsvar med søknaden og vedlagt prosjektplan.

Tilskotet vert betalt ut etter innsending av sluttrapport, med rekneskap og dokumenterte kostnader.

Løyvinga står ved lag i to år frå løyvingsdato.

Det må innhentas eventuelle løyve til tiltaket etter aktuelle lovverk.

## **Saksopplysningar:**

### **Samandrag/konklusjon (kort om saka)**

BU har kr. 500 000,- i bygdeutviklingsmidlar til fordeling etter søknad i 2020.

Stølvegen Venelag, ved Britt Eide, søker BU om kr. 250 000,- frå tilskotsordninga til restaurering av den gamle støls- og buføringsvegen frå Yksendalen og Yksendalstølen.

Føremålet med tiltaket er å ta vare på stølsvegen som kulturmiljø, og å leggje til rette for ferdsle og friluftsliv som grunnlag for naturopplevingar, fysisk aktivitet og folkehelse.

Stølsvegen er om lag 3 km lang. Tiltaket gjeld ein strekning på omlag 600 meter, ved å leggje steintrapper i bratt og krevjande terreng, frå gardstunet i Yksendal til Kvilet. Stibbyggaren as, ved Geirr Vetti, skal stå for arbeidet, med bruk sherpaar som handverkarar.

Prosjektet er kostnadsrekna til kr. 2, 5 millionar. Det vert lagt opp til ekstern fullfinansiering av faktiske utgifter frå ulike kjelder. Grunneigar i Yksendalen er involvert i prosjektet, og har gjeve sitt samtykke til gjennomføring.

Rådmannen vurderer at søknaden frå Stølvegen Venelag er i tråd med retningslinene for bygdeutviklingsmidlane, og går inn for tildeling av inntil kr. 150 000,- i tilskot til restaureringa av stølsvegen.

### **Bakgrunn for saka**

Stølvegen Venelag, ved Britt Eide, søker om kr. 250 000,- i tilskot frå BU til restaurering av den gamle stølsvegen mellom Yksendalen og Yksendalstølen i Eksingedalen i Vaksdal kommune. Søknaden er dagsett 17.08.2020.

Føremålet med restaureringa er å ta vare på og formidle lokal kulturhistore, og å leggje til rette for friluftsliv som fremjar naturoppleving, rekreasjon og folkehelse.

Stølvegen er om lag 3 km lang. Søknaden gjeld ein strekning på om lag 600 meter i bratt og krevjande terreng, frå garden i Yksendalen og fram til Kvile. Tiltaket handar om å leggje nye steintrapper, med naudsynt grunnarbeid. Arbeidet skal gjennomførast av Stibbyggjaren as, v/ Geirr Vetti, med bruk av sherpaar som handverkarar.

Prosjektet er kostnadsrekna til 2,44 millionar, og det er lagt opp til høg grad av ekstern finansiering frå ulike kjelder. Fram til no er det løyvd kr 1,5 millionar, mellom anna kr. 1 million i tippemidlar. Eigeninnsats med praktisk førebuing er budsjettert til 250 arbeidstimar og kr. 50 000,-. I tillegg kjem eigeninnsats knytt til prosjektering og oppfølging av prosjektet, oppgjeve til om lag 500 arbeidstimar.

I følge søknaden har stølsvegen har vore nytta av folk og dyr i fleire hundre år, mellom anna som buføringsveg. Dette fortel om tidlegare bruks- og driftsmåtar lokalt, som utgjer ein viktig motivasjon for restaureringsarbeidet. Historisk bruk vil òg stå sentral ved formidlinga av vegen sine verdiar.

Stølsvegen er merka, og turen til Yksendalsstølen inngår som del av den årlege «Stølatrimmen» i regi av Eksingedalen Idrettslag. Det er rekna at om lag 200 til 300 persona vitjar stølen kvart år. Søkjar si målsetjing er at langt fleire skal få gleda av å turen i dei komande åra, med flotte natur- og kulturopplevingar langs ruta. Det er òg planar om å nytte stølsvegen i samband med framtidig reiselivssatsing i Yksendalen.

Stølsvegen Venelag er ein friviljug organisasjon som skal arbeide for eit aktivt, variert og naturvenleg friluftsliv. Her inngår restaurering av stølsvegen som eitt sentralt tiltak. Planane er utarbeidd i samarbeid og samråd med grunneigar på staden.

Målet er å starte med restaureringa i løpet av våren 2021.

For nærare informasjon vert det vist til vedlagt søknad med prosjektskildding.

## **Formelt grunnlag**

Retningslinjer for tildeling av tilskot frå Bygdeutviklingsutvalet, vedtekne på møtet av 26.05.20:

- Løyving av tilskot til søknadar med søknadssum under kr. 15 000,- kan skje i kvart møte.
- Løyving av tilskot til søknadar over kr. 15 000,- skjer to gongar i året.
- Tilskotsordninga er ny, og tildelingar i tidleg fase vil kunne vere med å legge retning for kven som seinare skal kunne søkje midlar frå BU. Utvalet må derfor vurdere om innkomne søknadar er i tråd med vilkåra for tilskotsordninga.

## **Vurdering og konsekvensar**

I følge retningslinjene for bygdeutviklingsmidlane kan det søkjast om tilskot til prosjekt eller aktivitetar som gjev almenn nytte. Målet med midlane er å skape trivnad og stimulere til aktivitet som er ope og tilgjengeleg for alle. I dette høve kan det gjevast tilskot til konkrete prosjekt/ tiltak/aktivitetar, men ikkje til generell drift.

Intensjonen med søknaden frå Stølsvegen Venelag er å tilretteleggje for almenn ferdsle, med tilhøyrande verdiar. Rådmannen vurderer difor at tiltaket ligg innafor føremålet som BU si tilskotsordning skal fremje, og prosjektet innfrir retningslinjene sine krav til budsjett.

Tiltaket det vert søkt om støtte til, er omfattande, ambisiøst og kostnadskrevjande. Satsinga kunne truleg vore gjennomført på enklare og billigare vis, og likevel innfridd målsetjingane om bruk og

nytte. Men det vert lagt opp til grundig arbeid og ein høg standard for å sikre ein varig og stabil veg, som tåler det den vert utsett for i eit bratt terreng, med mykje vatn/nedbør. Dette verkar fornuftig og tenleg, og kostnadane må også sjåast i ljøs av at arbeidet skal gjerast av høgt kvalifiserte og røynde handverkarar.

BU har kr. 500 000,- i bygdeutviklingsmidlar til fordeling i 2020. Ut frå ei samla vurdering av innkome søknadar, går rådmannen inn for å løyve kr. 150 000,- i tilskot til stølsvegprosjektet. Dette utgjer 30 % av tilgjengelege midlar, 50 % av søknadssummen og 6 % av totalt kostnadsoverslag for tiltaket. Grunngevinga for innstillinga er mellom anna knytt til kostnadsbiletet, storleiken på prosjektet og verknaden av tiltaket.